

221287



Biblioteka Jagiellońska



stdr0021760







F O N S  
IN ÆSTU MARTIS ET SOLIS  
Arescenti Sarmatiæ in refrigerium,  
S C A T U R I E N S.  
D. S I M O N  
D E  
L I P N I C A,

Recurrente. Annua suæ Festivitatæ luce  
In Conventu Stradomiensi  
Ordinis Minorum S. FRANCISCI,  
Regularis Observantiæ PP. Bernardinorum,  
Oratoriô Stylô

P E R  
PETRUM CASIMIRUM GOSZKOWSKI,  
In Alma Universitate Cracoviensi AA. LL. & Philoso-  
phiæ Baccalaureum.

PRÆSENTATUS.

Annô quô FONS inexhaustus in Mare  
Gratiarum MARIAM influxit  
MDCCXVI. 18. Julij.

C R A C O V I Æ.

Typis Francisci Cezary, S. R. M. Illustrissimi & Rndissimi Dñi Episcopi Crac.  
Ducis Severiæ, necnon Scholarum Novodvorſcianarum Chalcographi.



IN STEMMA ILLVSTRISSIMÆ  
WODZICCIORUM DOMUS.



Cornua fert sursum magno cum lumine LVNA,  
Vt sic cælesti figat in orbe gradum.  
Cui si rorantem STELLAM miraris adesse;  
Hæc Lechico cælo SYDERA magna parit,  
In lucem Vestram radios effudit Olympus,  
Vt Domus eniteat, præbuit omne decus.



PERILLUSTRI ET REVERENDISSIMO  
DOMINO,

D. MICHAELI  
DE GRANOW  
WODZICKI,

Ecclesiarum Cathedralis Cracoviensis, Collegi-  
atæ Sandomiriensis CANONICO, Łeczy-  
censis SCHOLASTICO, &c.  
Mecænati Amplissimo.



*N*on potuit Oratoris Genius perfectius Genti-  
litia Tua Orbis Nostri Sydera venerari, quàm  
in FONTE Divinissimo SIMONE.  
Perillustri & Reverendissime Domine.  
Tantis enim Majorum Tuorum coruscant  
fulgentq; Ceris, quanta etiam non degenerum  
Aquilæ Sarmatica pullorum perstringunt ocu-  
los. Hic verò scrutatricem audaciùs feret pupillam, dum umbram  
illorum in profundo FONTIS purissimi mirabitur, nullasq; ecclý-  
psas Avitæ Lunæ notabit, nam hæc sine nube, precedit semper clara  
minores faces, & non ultimam in nostro Hemisphærio tenet spheram.  
Supremi enim Honores suam demittunt altitudinem, ut in maximo  
crescentem gradu contemplantur. Ipsum ortum hujus Syderis, intra  
A pleni-



plenitudinem luminis intuentur. Lustrent lyncei oculi innatos  
ILLVSTRIS ac MAGNIFICI GENITORIS  
TVI, POCILLATORIS olim Varſaviensis, ſummarum  
dotum ſplendores, qui prius illos cecutire facient, quàm totum jubar  
in ſe videri poterit. Huic enim, quod aliis largus celorum in-  
fluxus diviſim tribuit, id totum per congeriem obtulit faventiſſimè.  
Ex eo iterum Orbi Lechico pingere poſſet Plato Virum, cujus vertici  
inſideret prudentia, oculos animaret vigilantia, ſupercilia tempera-  
ret clementia, vultum componeret affabilitas, dextram armaret ju-  
ſtitia, ſiniſtram impleret conſilium, cor accenderet pietas, pedes du-  
ctaret felicitas, virtus omnis in paludamento radiaret. Unus ille  
exiſtiſſe videbatur, qui ex aſſe cunctas virtutes complexus erat.  
Certè ab aureo ſeculo diceres Virum in Republica, & cenſeres in-  
annulla adamantem, in floribus lilium, in celo Solem, inter Herdès  
Achillem ſtrenuiſſimum. Nec ſilentio præterire Illuſtrem, Ma-  
gnificā ANNAM Genitricem Tuam fas eſt. Cujus virilis animus,  
& Virtutum pulcherrima corona ſuperſtitem in memoria Poſteri-  
tatis agit vitam. Verè ANNAM dixerim, ex cujus gratioſo ſinu  
Pactolus munificentie ſemper manabat. Si proſuſas in Fides Di-  
vinas ſpectes opes, quidquid in illis eſt, horum pars maxima illius  
ſplendescit liberalitate & favore. Et ſi Principum gratiam ſpe-  
ctàſſes, Æſtheram vidiffes, cujus patrociniò tot miſeri ſublevati, tot  
calamitoſi meliori ſorti redditi. Nec degeneres prouenerant A-  
quile columbas. Ex Philippo & Olympia non alium naſci & no-  
ſci decuit Filium, præter Alexandrum. Quatuor Orbi Lechico  
Vos Athlantes dedit, ut ejuſdem cardines melius firmaret. Adeſt  
primum labentis Reipublice Noſtræ fulcrum, Illuſtris ac Magnus  
CASIMIRVS Pocillator Varſaviēſis, qui cū ſit ſucceſſor Parenta-  
lium Virtutū, Honorum etiam eſſe debet. Cujus ſi magnum CASI-  
MIRI miraris Nomen; mireris non minores virtutes. Vir ſagō  
zogāq̃ clarus, pacis oleas cum Martis palmis connectit. Hunc ſe-  
quitur per Gradivi Arenam, Illuſtris ac Magnus PETRVS Co-  
lonellus Exercitus Regni, certè ad fortia natus; qui cū ſit petra  
inconcūſum in agmina hoſtilia proferat pectus. Nullus illò in acie  
bellicoſior Ajax. Par eſt cunctatori Fabio, qui conſilio novit ſi-  
ſtere



stere ingruentia fata, superat Panorum Annibales, Patrie defensor acerrimus; ut jam liquido constet in sinu Gentilitie W O-  
 DZICCIORVM Lunæ Martem ipsum radiare. Eminet tandem magna JOANNIS Pocillatoridæ Varfaviensis prudentia. Cujus non solum Nomen spirat gratias, sed ipsdem illum Lucina, enutrivit. Huius Tullii eruditam si quis voluerit audire suadendam, Palladem loquentem adorabit; agit & Precursorem in pulcherrimo Virtutum gradu. Hinc Tuas Perillustres & Reverendissime Domine, dum veneror virtutum animiq; dotes, certè me in copia encomiorum Tuorum inopem esse agnosco; sed dum mee sorti Fax Tua prælucet, securumq; tot inter angusti temporis calamitates monstrat iter, viles in Tui Laudem gressus moveo. Iam mare immensum in pusillam profunde venerationis foveam exhaurire intendo. Si excelsum Tuum miror ingenium, Palladis credo Gazophylacium, ex quo quidquid egreditur, vel miraculum est, vel oraculum. En astris fermè inferens cacumen Sacer Vavellus, in formam Syderei abire celi probaturi dum clarâ & carâ WODZICCIORVM LVNA adornatur. Vbi Supremum LVBIENIVM CAPVT, dum ter geminas tenet Coronas, bis Cynthiam Tuam circumdat, ut Ecclesia DEI lumen coronet. Extra stuporem Orbis, ad mentem Aurei CAPITIS Tua Avita volvi Syderas; nam hoc CAPVT totum quod cogitat, altum est. Voluit quidem Religio BENEDICTI Togata inter sui Cenobii umbras splendores Tuos Abbatiali Insulâ auctos venerari; sed dum altiozem Honorum spheram scansuros videt, profusiores ab illis sperat sibi influentias. Ad summi enim Honoris staturam & statheram Tua desideratur Persona, quæ cum sit Virtutum sedes, comitem semper facit sibi gloriam. Pietas & ardens Honoris Divini zelus in preliante MICHAELË ad plausum Ecclesie resplendet. Si liberalitas profusa in sacros usus & opem egentium spectetur, tanta est, quantam mens semper generosa exhibet & ampla fortuna adorat. Æstimavit Sydereæ Domus Vestra gemmea pretia PRZEREMBSCIORVM Familia, & claro sanguinis nexu eidem colligari voluit, dum Phæben alteram, vel rutilantem Cynthie radium Germanam Vestram ad suos splendores transtulit. Sic aliis volubilis & fugax



281  
fugax Fortuna, in Vestra Domo constantem posuit stationem; quia non tam suo globo, quàm sydereo insistit. Iret ultra in laudem Vestram curiosior pupilla; ast dum LEONEM cum Sceptro super astra videt, nimio perculsa timore, illi in victimam cadit. Namq; Corpora magnanimo satis est prostrasse Leoni, cum in profundissima veneratione audet mirari, cur tam alta sydera superavit. Solem credo in LEONE, ergo Illustrissima WODZICIORVM Familia, quocunque loco suum circumfert nomen vel calum reperit, vel esse facit. Unde jam in gratulatorios assurgit plausus FOX in astu Divinissimus SIMON: nam dum Celo Vestro dicatur, in Eridanum transmutabitur. Et pro hoc in se favore Syderum Vestrorum in augem dignitatum metricem illum futurum credite intelligentiam. Procul hinc Aegyptiorum pictura, evum per lunam exprimentes, eò quod cum jam defecisse videatur, nova iterum exoritur. Hæc Cynthia in evum durabit, dum nullas novit mutare vices. Quare crescant hæc Sydera in immensum Gloria Tue Perillustreis & Reverendissime Domine, nullam patiantur ecclipsim, idque hucusque; donec totum impleant Orbem. Ita precatur

## MAGNO TUO NOMINI

Venerabundus Cliens,

&

humillimus servus

Author Operis.

O R A





# ORATIO.

**E**rvida ab ipsis, ferme vastæ telluris primordijs sitis, syrio enutrita æstu, nullo humiditatis influxu satiabilis est. AA. Pusillus adhuc & ab ubere pendens, Parentis omnium terræ primarius fætus homo, vix primam adoravit lucem, mox vesana regnandi cupidine cæcus, in tantos exarsit æstus, quantos Paradisi malum, ultro debuit mitigâsse. Fæcundum ultra præbet partum, ast cum ipso & orexim fæcundissimam; dum profusa Omnipotentis qui divisit aquas ab aquis non satiata ope, fraternum Abelis bibit sanguinem. Quô visò Divinus oculus, tamdiu cælos supra humum flere fecit, quamdiu illius effrenatam sitim non exstingveret. Quid ad hoc Helluo atrocissimus, Danaïdum verum dolium, rotunda terræ figura? licet velut pila Catharactarum huc, illuc agitata undis, agit Tantalum, dum plus sitibunda observata. Immo formam Vesuvij ferentem scrutator videbit animus, en sulfureum halat ignem, Sodomam absorptura. Timens tandem, ne senio confecta, sterilis è vita cedat, Vulcaniam progenerat pubem; cuius si Nomina vultis, Mars & Cupido Filij, quorum primo, utpotè primogenito Marti, jus naturale hæreditariumq; concessit, ut semper alienum sitiât cruorem. Et non degenerem agnovit, nam quidquid ex Heroum pectoribus, durò extorquet ferrò, id totum cruentis cruentatisq; bibit faucibus; & ad nativum ignem ferrea miseris mortalibus cudit sæcula. Cujus dolendæ & lachrymis delendæ spectaculum scenæ, indies augeri Nostræ Patriæ observatur. Huc, huc singultus Sarmatici, huc copiosi lachrymarum torrentes, Marti impio



ejusq; siti, totos alveos propinate. Et adhuc lachrymas tenes dolor? erumpe tandē ex ore, ex oculis & è mæsto pectore, naufragiū illi paraturus. Sed ad ossa loquor arida, dum bino æstu fatigatā Sarmatiā humido radicali carentem video. Vertit suos in illā perpendicularares radios Princeps Planetarū Titan, qui quamvis principium lucis dicatur, finem illi imponere curat, dum tot gravissimos morbos, febres, aliasq; vitæ insidias nimio causat æstu. Quō nunc lassata tantis calamitatum ardoribus membra, vertes misera Polonia? Si ab Avita magnarum alarum speras Aquila, hanc pro alis, malis stipatam, per tesqua reptantem advertes. Et quæ olim dormientem sub cælo Jovem, à Solis protextit ardoribus, nunc ipsa protectionem petit. Ad Seraphicas FRANCISCI tende alas, si repulsam times? expansas illius manus in Tui amplexum intuere; si inquietam sub umbra illarum moram speras? stipulatam cum cælo manum in fædus amoris perscrutare; Si ante aditum lapsum expavescis? paratissimas in levamen habes dextras; si deniq; nimis fatigatas sentis Vires Tuas, nec refocillandas ominaris? Adest Divinissimus SIMON de LIPNICA, qui cū sit immensus miraculorum Oceanus, à me; FONNS in æstu Martis & Solis arescenti Sarmatiæ in refrigerium scaturiens proclamabitur. Permites Divinissime SIMON, incultæ & turbidæ sermonis syvadæ FONTEM Te venerari; Tantū pusillam sitienti lingvæ mitte guttam, aut abunde fac proflire Gratiæ Tuæ fluctus, ne Oratio errorum oneraria in littore contabescat. Vos verò AA. si susurrantes hujus FONTIS vultis audire latices, Syrenes non timete profunda exposcit demissio.

Rapidos Fontium vagosq; cursus, curiosā investigare pupillā Itearum munus & periculum est. Firment hanc fidem subtilissimi Stagiritæ, qui antequam recurvos Meandros, tortuosos Eripos capiant, in profundum capiuntur. Unde Entheo querenti ortum D. FONTIS grandis incumbit moles, dum inter inconcussas rupes grandiaq; Alpium juga investigandus. Hæc enim acutō deberent penetrari stylō, aut miraculosā Moyſis percuti stipulā, ut ex illis Fons erumpat. Sed jam evasimus scyllas



scyllas, dum non in Montanis, ast sub illis est repertus. Consulto naturæ nutu terra egit, quod in fecundo Fontes clausit utero, nam si hos visendos sæpius intellectui humano exponeret, eosq; extolleret sursum, levi pretio damnarentur. Tanto Honore D. FONTEM prosecuta, utq; illius valorem Vniuerso ostenderet, in submontanis illum occultavit. Felix Oppidum LIPNICA quod tantas seruasti opes, miseriæ nostræ profuturas. Non alta petiit FONS D: ex mediocri Prosapia suum duxit ortum, sciens perbelle, ideò sæpè tumescentes excelsi Sangvinis fluxus, in immensum crescere, ut vitiorum limo misceantur. Minimus FONS in ortu D. SIMON, nam hi parvi sunt ubi incipiunt scaturire, & maximi ubi finiuntur. Cui primam Lucina accendens facem, vix illum Sacro Baptismatis Fonte abluit, statim nomen SIMON, hoc est omnis seu amnis est adeptus. Præcurrit Fontis nomen SIMON, nam subito magnus erupit. Quem minimum adhuc mirantur magnæ virtutes, & ad pusillum Giganteo passu accelerant, volentesq; forsan pulchiores mutari in formas, dum illum invadunt, augent & augentur. Excedit FONS D: cunas, sed non tam puerilibus lachrymis, quàm virtute. In primo quondam Fontium exordio spiritus Domini super aquas ferebatur, nunc in hoc FONTE fixit stationem; cum pusillo SIMON ore, hoc spirat quod Divinum. Cautè Nobilissimi virtute SIMONIS Parentes, non diu latentem FONTEM intra domesticos lares conserveate, ne aliquam consistens in uno immobilis loco noxam contrahat. Ad Castalios Fontes FONS D. Tuos extende rivulos, hinc & Virtus Tua unita & munita sapientiâ fortior prodibit; & pulchritudinem suam comprobabit. Paratissimi utpotè ad omnem perfectionis gradum SIMONIS gressus tendentes; nam is copiosa omnis sanctitatis ornatus oneratusq; dote, velut Nilus septem ostijs, septem millibus, in Mare scientiarum, Perfectionis pelagum, Vniuersitatem Nostram Academicam influxit. Et benè non potuit meliorem fortunâ Aureus Iagellonis Manipulus, quàm dum intra limites suos FONTEM D: veneratur, omnem ab illo vigorem in ævum percepturus. Quos cum Gracius Apollo cum Musis fe-



lices audit rumores, audet illum intueri, & dum illum puritatem observat, suamq; in illo faciem repræsentari, extra sensus rapitur, putans Divinum esse miraculum & oraculum. Cui Doctæ annuentes Musæ, jucundiores in illo suas formas, velut in speculo adorantes, Palladi nuntiant, ut quantocius cum suis acceleret Corymbis. Et adest quàm citissimo Athalantæ passu, nimiamq; illius admirata pulchritudinem, laureatum Doctorali donat annulo, ut fæderatâ cum illo possit gaudere amicitia. Gratulor Tibi Doctarum Parens mentium Academia, quòd FONTEM D. velut Xerxes Helespontum aureo constrinxisti monili, scias semper Tibi Tuisq; laureis vigorem prolaturum. Nullas in Capulari senio time maculas, quas & si Tibi invida aliquando vellet imprimere manus, hujus FONTIS patrociniò abluentur. Sed non diu intra Tuos moraturum crede lares, cujus si seriam quæris causam, Tuam monstras culpam; annulum in manus SIMONIS dedisti, qui putans volubilem fortunæ rotam cam clavo Religionis affigere statuit. O! felix insigne, quòd alta Honorum subsellia uni Cyphræ comparasti. Quid ad tantos blandientis sibi fortunæ risus D. SIMON? en ne intaminatam ambitionis athomo maculet indolem, profundissimam humilitatis abyssum Thaumaturgi Patris FRANCISCI petit Religionem. Et justè: Seraphicus hujus Familiæ amor, igne cælesti ardens nimio, non potuit melius temperari quàm Fonte indeficiente. Absit frigidum SIMONEM nominare, nam ardentem intus naturam ostendit. Ex temperamento humidi & calidi gemmas generari non paradoxum est; tunc calor tribuendus FONTI D. dum in Gangem transmutatum adverto, trinam in se Professionis gēma amplectentē. Sed quid agis SIMON D. gemmas servas paupertatis FRANCISCI oblitus? Dives in paupertate SIMON, fatetur illas habere, sed adhuc illis Cleopatrar digniores, nam valorem Regni cælestis adæquantes. Tantis in dies Divinis crescens FONS D. donis, non ad alium finē nisi fontibus debitum tendit, quia ad mare Gratiarū MARIAM, cui dum se totū dedicat, pedes illius, ultimum suæ felicitatis terminum esse putat. Largos fundit lachrymarum torrentes, ut Fontis nomen non excludat.

Ad



Ad quid tanti sparguntur latices! si aliquas Tibi vitiorū agnoscas maculas nullas in Te ipsa etiam Averni atrocitas adnotavit. Si alienas delere cupis? jam Te FONTEM Castissimū comprobāsti. Non invidemus Siculis frigiditatē undis, aut glaciale Siciliæ pontum, qui ut Syrios vincat æstus, per antra profunditatis immensæ pervagatur. Adest nobis FONS D. qui ut refrigerium æstuantibus pectoribus ferre possit, ferventissimū intus Divinū sentiens calorē, in foveam proprijs effossam viribus se se demittit. Trahe FONS Castissime Scrutatorem excelsi Operis Tui oculum, nil nisi ebullientes sangvinolentas mortificationis advertet guttas, quæ fatigato pro genere humano Herculi Christo propinantur. Si verò vermes putridos inter purissima videbit membra, judicet FONTIS mysterium & naturam. Non simplices nutrit, bombyces Indicos crediderim, purpuram illi ex emissis nitido de pectore filis, ad cælestem thronum contextentes. Bibunt Corpus SIMONIS culices, Sangvinem continuo elicientes morfu & puncturā, ut malignantis mundi extingvant sitim. Haurit sub specie mordacis hirudinis mundus FONTEM D. sed proch dolor! morti suæ alimenta ministrat. Quousq; tam crudeles patieris morsus? Sat sufficientem innocui potatrix Sangvinis terra, ejusq; Lixæ ex Te potum hausere, jam in Corpore delicatissimo claude hiatus? absit hoc respondet liberalitas juncta patientiæ; In altum hinc assurgit montem, ut ab omnibus sitientibus tanquam ex Nilo hauriatur. Et quot Psalmos pænitentiales recitat, tot cruentos lachrymis permistos latices, ferrea excutiunt flagella. Non hîc terminū inexhausto FONTI assignate, jam illum vilis calamus & profundæ Venerationis Panegyris inter Saracenos & limites extraneos deprehendit. O! miram inauditamq; Sympathiam in Fonte sitis maxima; totum ardentem malitiā refrigerare Orbem. Nec mirum monstrat Exoticis suum vigorem Gentibus, ut cæci impia barbarie illorum oculi eluantur. Sterilem certè vidit glebam nec ullum cælo ferentem fructum, ideo ad irrigandam accelerat quantocyus. Sine veræ fidei fluentis in arido Paganorum hæserat Argo, accurrunt Fontis uberrimi fluctus, ut bonis avibus afflante Christianæ doctrinæ Favonio



I:  
æternæ felicitatis attingant portum, dulceq; occinant Celeusma.  
Maximū tamē erat illius intētū peregrinos lustrare colles Hierusa-  
lem, ut meatūs FONTIS inexhausti Christi quibus redemptio ge-  
neri humano influxit, proprio sanguine renovaret, & id execu-  
tus, cum omnes lachrymis perfudit, nonnisi hōc defecisse visus,  
quod sanguine non abluerit, ast non Martyriū voluntas, sed vo-  
luntati Martyrium defuisse arbitremini. Et quia ubi ad suos  
cursus Fontes extolluntur, ibi illos natura finire iussit. Jam re-  
ducem D. FONTEM ad Nos salutate, cuius si mutatam putatis  
sanctitatis dulcedinē, nectaream sentietis: en vix exoptato com-  
muni susceptus, in Religiosa Corona voto, statim Superior pro-  
clamatur. Quid agitis Patres Sapientissimi, cū hunc præesse  
iussistis, cuius humilitas & natura petit infima; jam vestra re-  
condita arcana capiuntur. Prævidit Domina paupertas Seraphi-  
ca Sacræ eruditionis Lymphas in FONTE D unde sub illo Præ-  
sede nullam horret sitim. Et jam omnia habet in SIMONE,  
cuius admonitionem sapissimam dum deprimit humilitas, ex-  
tollit Sanctitas & doctrina. *Non sis Prelatus, non sis medicus,*  
*non sis coquus.* Jam Tibi in debitam assurgit Religiosa inopia  
Hecatomben, non exigit plura, & dum illam ab his excludis mu-  
neribus & officijs, Tuo Nomini hæc omnia consecravit. Tunc  
jam domesticos alendo cælesti ferme influxu Patres, & in mul-  
tos negotiorum divisus torrentes, aliorum sitim non reficiet?  
absit; en ex istius S. Tullij lingua nimio promovendi Divini  
cultūs ardente æstu tria salubris informationis Verba: *Ora, La-*  
*bora, Despera,* velut scaturientes bibit guttas, & tantum sensit  
refrigerium, ut ardentia populi igne fatuo corda, toto officij sui  
cursu refecerit copiosè. Absint fatidici Sardiniae Fontes, quo-  
rum haustâ Lymphâ lux fabulosa assertione recipi fertur. No-  
ster FONS Sacer, plus addit lucis, dum Cimmerias ignorantiae &  
imperfectionis pellit umbram. Habeat stulta Phrygia insipi-  
entes undas, quas si quis *populi* hauriret simul cum illis & fu-  
rorem; FONTIS Nostri unda *populi* in insanientibus animis fiunt  
Medicina. Utq; causasset sui *populi* Novitijs desiderium, ignem ad-  
ferre candentem jubet, illorum virtutem, velut aurum in igne  
com.







intentionem fient hæc: membra pedibus quæ Tu calcare jubes, manibus tangere non licebit. Tam gravi conturbatum morbo invadit Dæmonis astutia, & forsan in turbido piscari volens, parum piscium illum sumplisse dicit. Procul hinc cum retibus Dæmon, FONTEM scias non pelagū, hos illi nonnisi inesse pisces, qui vivi FONTIS probant statum. Hinc jam D. FONTEM in cælestem Eridanum credite transmutatum, qui cælo Gratissimus Amnis Sepulchralem mærori Sarmatico tulit lapidem. Asurge in spes & Vires meliores langvida Polonia, enscaturientem profusissimo in Te alveo habes FONTEM, qui ultro in cælestem transfertur globum, ut profusiores gratiarum Tibi faciat influxus. Iam in diluvio hujus FONTIS hostilis Argo naufragium patietur. Si belli ardores times? fortissimum ab illo spera refrigerium, qui cum sit in Tui amorem effusissimus, ad suas undas publicæ felicitatis tenet portum. Verbo: ut tibi victrices succrescant laurus, istius FONTIS rivulis irrigantur. Sed hæc Martis excludunt æstum, & Solis ardores quis temperabit? Adest hinc puteus SIMONIS manibus efformatus, cui quis negabit refrigerium & medelam? Procul hinc Galeni Medicinæ, Æsculapiorum receptæ, quæ sapius auferunt, quàm dant vitam. Testem apello Cracoviam, quantum hinc sentire consuevit levamen in doloribus, dum tot febres ex æstu Solis provenientes, etiam hoc anno mitigavit. Huc sitim nimiam patientes & famem; huc in Solis existentes ardoribus, quos crudelis Bellonæ manus, ex proprijs eduxit laribus sub liberum Iovem, hinc vobis refrigerium & pristina salus, immo Toti Sarmatiæ in æstu Martis & Solis existenti propinatur.

Tuam ex hoc FONTE Scaturientem adverto laudem Sacra Seraphici Patris Religio, in cujus augem calamis evolare, idem est, quod ceratis ope Dædalea niti pennis. Satis apprehendere Pauperis Patris FRANCISCI, vos divites esse filios, nam quidquid Specialioris Honor habuit, id totū manibus Vestris dedit, & in illis nullum detrimentum timet, nam sigillō salutis munitas intuetur. Hic enim summa Triregnia, Cardinales murices, Episcopales Infulas reposuit. Et certè omnem suum splendorem in Vestram tribueret ornamentum, si fugientem modestiam Vestram assequeretur. Iamq; militans Ecclesia Hæreticorum quassata minis, non levem jacturam pateretur, si illam in subtilibus Scotis, Seraphicæ velut fulcrum fortissimum non sustentarent dextræ. Crucem signant, sed hanc quæ Adversa  
 fra convicti disponi  
 ad cælum gradum f  
 quam non ferret  
 re crescant in i  
 SIMONE

in perniciem à subtilitate Ve-  
 onsidero, jam Vos in pedibus  
 ns. & sydereæ structura, vix ali-  
 FRANCISCO levaretur. Qua-  
 avitæ palmæ, & à Divinissimo  
 EM in æstu scaturientem esse













